



Fuente: Seccion arriba—Sugar Boy Nando—Fernando Muller: Ora di tabata tin tempo liber, tabata dedica na duna su conocimiento na nos hubentud. Esso News, februari 1959.

Potret abou (cortesia di Edwin Kock—post riba FB) Mateo Eligenio Kock, mihó conoci como Fenchí, tabata un persona hopi dedica na deporte, particularmente riba tereno boxístico. Fenchí a carga boxeo amateur di Aruba cu alma y cuerpo, sin interès personal. Su meta semper tabata yuda e deportista, asina contribui na e comunidad y alabes trata na saca cara di Aruba na nivel internacional. Fenchí a lanta un club di boxeo na Jan Fleming cu a produci hopi boxeador manera e.o. e rumannan Caster, Juan Gomes, Joaquin Kransen, Gerrit Croes, Romualdo Croes, Reginaldo Curiel. Romualdo Croes tabata un boxeador top cu hopi tecnica cu a ser traha pa Batling Siki y Fenchí Kock. Despues Fenchí a lanta Byerite Boxing Club cu a produci masha hopi boxido mes. Entrenan e rumannan Wester, Rafael Flanders, Renzo Richardson, Mario Croes, Jeffrey Nedd, Roy Croes, Arend Slot, Chito Werlema. Fenchí Kock su pasion y dedicacion pa e deporte di boxeo no tabata manifestá su mes solamente den e rol di coach. Den campeonatonan mundial e tabata busca contactonan importante pa yuda e deporte. Sea ta material of mas tanto pa haya sosten internacional pa organisa cursonan pa formacion di coachnan y asina eleva e deporte. Su vision tabata bai mas leu cu solamente trainer di boxeador, esta di a traha riba unun desaroyo sostenibel pa e deporte di boxeo.

Fuente: Compilacion di postcard riba FB di Edwin Kock y Materiala Historico Leifelski, 2018.

Fuente: Relatozun Yudi Nani "Tempo di Gloria di Boxeo" den Diazi, juli 2009/ Archivo Relatozun y Versaggiage, ANA.

E deporte di Boxeo aki na Aruba, sigur tabata un di e deportenan mas popular den añanan 40 y 50 di siglo pasa. Apesar cu ainda tin hopi di fanaticonan di boxeo aki na Aruba, otro deporte di bringamento, manera Muay Thai of Thai Boxing, Cage Extreme Fighting a haci nan entrada y bira mas popular.

Pero sin duda, particularmente na San Nicolas, e deporte aki tabata tin su fanaticonan, mescos tambe di deportistanan local. Particularmente riba "4 di juli" e deporte aki tabata wordo exhibi. Pa varios aña te den aña 70 e deporte aki tabata tin su acohida bou di nos hubentud, cu tabata practica e deporte aki den diferente clubnan rond Aruba.

Segun recuentonan na 1943 lo tabata tin un programa di boxeo na Lago Heights, unda un publico grandi a presenta, pero tabata tin un boxdo so, cu ta Segundo Maduro, cu a duna unicamente un presentacion riba un saco di santo. Na Lago Heights tambe por bisa cu Sugar Boy Nando a cuminsa su carrera. Aruba a conoce hopi number di fama, cu a bringa y a hunga un bon papel den exterior. Pero tambe mester reconoce cu tras di tur e atletanan aki, tabata tin hende, manera un Fenchí Kock, cu amor y dedicacion no pa e deporte so, sino tambe pa e atletanan. No mester lubida e dirigen-tenan, y oficialnan manera un Harry Croes. Riba 9 di december 1952 Aruba Boxing Association a keda formalmente lanta.

Fuente: Relatozun Yudi Nani "Tempo di Gloria di Boxeo" den Diazi, juli 2009/ Archivo Relatozun y Versaggiage, ANA.



Foto arriba: Esso News di februari 1958 - Programa di Boxeo organisa pa Comision di Boxeo LSP.

Nota Special: Den transcurso di tempo, desde añanan 40 tabata tin diferente nomenbran "artístico" pa e boxeador. Asina nos por menciona banda di Sugar Boy Nando (Fernando Muller), Aruba Chocolate, Kid Cody, Kid Fenchí, Kid Cesanova, El Vampiro, Tomhawk, El Negro del Batey, Bulldozer (Juan Masuro), Curly Kyo (Ruben Leyman), Young Quicksilver (Lord Boxeo), Kid Peligroso, Pantera Negra, Long Gun (Joe Wilson), Batling Siki (George R. Pantophlet), Kid Dorsal (Nulfo Steba) y asina tabata tin hopi mas.

Fuente: Relatozun Yudi Nani "Tempo di Gloria di Boxeo" den Diazi, juli 2009/ Harry Croes, 2018.

